



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XXXII. Epistola Episcoporum Moesiæ Secundæ Ad Leonem Imperatorem.
Domino piissimo, victori, semper Augusto Leoni, Marcianus, Marcialis,
Monophilus, Marcellus, Petrus & Dittas episcopi secundæ Mœsiæ.

urn:nbn:de:hbz:466:1-14887

quoniam sacratissimis vestris syllabis admonuistis, ut quæ sapimus de sancto Calchedonensi Concilio, nostris literis referamus ad vestra notitiam pietatis; cognoscat vestra serenitas, quoniam nihil amplius, nihil minus, quam quæ in Calchedonensi Concilio a sanctis patribus integre atque perfecte definita sunt, credimus, aut consentimus. Neque enim aliud nos ultra sapere, quam ea quæ tantorum patrû termino sanctus Spiritus erudiuit. Vnde mansuetissime imperator, & ego, & omnis ecclesia Dei sic sapimus, & in consensu nostro sanctorum patrum definitiones fide & deuota confessione firmamus. De Timotheo vero sic sapimus: quoniam secundum virtutem precum, adhuc viuo existente episcopo, impudenti intentione ab excommunicatis est ordinatus, exordinatum & excõmunicatum ecclesiastica regula eum esse decernit: neque manus impositionem illorum episcoporum in sancta ecclesia permittit quamdam habere virtutem, qui Christi fidem violantes, ordinationem impositam sibi met amiserunt. Nunc igitur nostræ confessionis verbû facientes saluberrimis vestris auribus manifestum, deposcimus Dominum nostrum Iesum Christû, ut vestrum imperium catholicæ fidei robore confortatum, & crucis virtute munitum, ab omni suspectione bellorum intactum semper custodire dignetur. Optamus vestram tranquillitatē diuina providentia semper incolumem, & coronam imperii vestri intemeratam & impollutam multis annis nobis diuinitas donare dignetur, domine sacratissime & venerabilis imperator.

XXXII.

EPISTOLA EPISCOPORVM MOESIÆ
SECUNDÆ AD LEONEM IMPERATOREM.

*Domino piissimo, victori, semper Augusto Leoni, Marcianus, Marcialis, Monophilus, Marcellus, Petrus & Dittas
episcopi secundæ Mæsiæ.*

TRANQVILLISSIME principum, desiderium habens pii propositi, verbum fidei quam tenes, tibi fieri manifestum, sacris literis hoc a nostra humilitate fieri præcepstis, ut vobis aperte significaret de sancta & incomprehensibili deitate, quam humana lingua nec comprehendere,

ANNO
CHRISTI
451.

nec scribere potest, sed potius cum mundo corde colere debet & adorare. Hoc autem adstruimus, confiteri nos, & perdurare in fide quam in vrbe Nicæna trecenti decem & octo patres, condemnata impietate Arii, tradiderunt in toto orbe terrarum: nec non & quæ a sanctis centum quinquaginta patribus in vrbe Constantinopolitana de sancto Spiritu, pro delenda Macedonii persona, prolata est: insuper & quæ in Epheso ad depositionem impietatis Nestorianæ formam accepit: super hæc autem & quæ ad peremptionem Eutylianæ vesaniæ de humanatione Saluatoris, in Calchedonensium ciuitate multis sanctis episcopis conuenientibus per iussionem Leonis Romani pontificis, qui vere caput est episcoporum, & venerabilis sacerdotis & patriarchæ Anatolii, Concilio celebrato, sub duobus imperatoribus confirmata est. Quod Concilium nos cum omni clero & populo Christiano vsque ad finem tenentes & possidentes, in eo concupiscimus permanere. Timotheum vero qui postea per odium atque crimen, sicut publicis libellis agnoscitur, scelestissime contra Proterium reuerendissimum virum, Alexandrinæ ciuitatis episcopum, operatus est, & condemnatis viris sibi per obreptionem indigne episcopatus nomen imposuit; hunc cum his qui similia præsumpserunt, in ordine sacerdotum nec numerari, sed sub anathemate, & inter Simoniacos reputandum esse decernimus. De Synodo vero, quam petunt fieri quidam post decretum patrum qui Calchedone definierunt, nos nec optamus, nec fieri consentimus, ne maiora scandala generentur; sed magis contra principes tanti sceleris ultionem proferri decernimus.

Marcianus episcopus ciuitatis Abriticæ, confirmaui & subscripsi.

Martialis episcopus ciuitatis Apiarensis, similiter.

Monophilus episcopus ciuitatis Dorostrii, similiter.

Marcellus episcopus ciuitatis Nicopoleos, similiter.

Petrus episcopus ciuitatis Nouensis, similiter.

Ditta episcopus ciuitatis Odyssæ Scythiæ, similiter.

Et hæc Latine quidem data, est in Græco interpretata, & iterum translata de Græco in Latinum.